



ALTERNATIV DEMOKRATESCH
REFORMPARTEI

Groupe parlementaire

Här Mars di Bartolomeo
President vun der Deputéiertechamber
19, um Krautmaart
L-1728 Lëtzebuerg

Här President,

Sou wéi d'Chambersreglement et virgesäit, bieden ech lech, dëss parlamentaresch Fro un d'Madame Wunnensminister weiderzeleeden.

No mengen Informatiounen schéngt et esou ze sinn, dass Dokumenter oder Formularen un d'Locataire vum Fonds de Logement nëmmen a franséischer Sprooch erausginn. Dat géing och Leit betreffen, déi mat der franséischer Sprooch net onbedéngt gutt eens ginn. A sou Bréiwer geet et awer dacks ëm Froen déi fir déi Leit ganz wichteg sinn.

Wa Locatairë froen, fir Informatiounen an enger anerer administrativer Sprooch vum Land, besonnesch och op Lëtzebuergesch, ze kréien, sollen si um Telephon gesot kréien, si kéinte sech un eng Assistante sociale adresséieren, wa si hir Korrespondenz net géinge verstoen.

Meng Froen un d'Madame Wunnensminister an dëser Saach sinn déi hei:

1. Kann d'Madame Minister confirméieren, dass de Wunnensministär d'Decisioun geholl huet, eng Rëtsch vun Dokumenter a Formularen nëmmen nach a franséischer Sprooch erauszeginn? Wat fir Dokumenter a Formulaire sinn dat? Wat géng esou eng Decisioun vum Ministär motivéieren?
2. Ass et richtig, datt de Fonds de Logement sech, a sénger schrëftlecher Korrespondenz, nëmmen nach op Franséich u séng Interlocuteurs adresséiert? Ass dat just bei senge Locataires de Fall oder och géintiwwer anere Persounen?

3. Gëtt et vun den Dokumenter oder Formularen vum Wunnegsministère an dem Fonds de Logement Iwwersetzungen op Däitsch a Lëtzebuergesch oder sinn et där an der Vergaangenheet ginn? Wa jo, firwat goufen dës Dokumenter dann net méi aktualiséiert a viru gebraucht?
4. Ass d'Madame Minister och där Meenung, datt et ubruecht wär, grad Leit, déi vun enger sozialer Mesure profitéieren a vläicht besonnesch fragiliséiert sinn, an enger administrativer Sprooch vum Land unzeschreiwten, déi si och kënnen ouni Problemer verstoen?
5. Ass et net aussergewöhnlech, dass en Dingschtleeschter wéi de Fonds de Logement seng Clienten telefonesch un eng Assistante sociale verweist, déi vun der Gemeng oder vum Staat bezuelt gëtt, amplaz hinnen déi fir si wichteg Informatiounen direkt esou ze ginn, dat heescht an enger vun denen dräi administrative Sproochen vum Land, dat si se kënnen verstoen?

Mat déiwem Respekt,



Fernand Kartheiser

Deputéierten